



# Annou pran nou vaksen

**P**andemi Kovid-19 pe kontinyen ravaz lemond e Sesel pa'n ganny eparye. Erezman gouvèrnman LDS dirize par Prezidan Ramkalawan in pran bann mezir neseler pour protez pep Seselwa atraver en programm vaksinasyon ki pe anmenn bon rezilta. Nou vreman sance ki gouvèrnman in kapab garanti ki tou Seselwa ki oule i kapab ganny vaksinen. I annan vaksen pour tou Seselwa ki oule ganny vaksinen. Par kont, i annan en group dimoun ki pa kapab pran vaksen pour rezon medikal. I osi annan bann zenn anba 18-an ki pa ankor kapab ganny vaksinen. Sa sitiasyon i fer ki en porsyon popilasyon pa pou kapab ganny vaksinen pour enpe letan. Alor sa i fer li absoliman neseler pour tou dimoun ki kapab pran vaksen pou

fer li pour garanti maksimonm proteksyon dan kominote. Sa i tre neseler aköz gouvèrnman in deside ouver pei a parti le 25 Mars.

Louvertir pei i tre esansyel pour Sesel kapab relans son lekonomi. Avek larive touris, bokou Seselwa a kapab rebran zot bann aktivite ekonomik e plizyer Seselwa a kapab rekomans travay pou soutenir zot fanmir. Ler nou pran vaksen, nou ava pe siport plan gouvèrnman pou delivre pour tou zanfann Seselwa.

Dan son diskour sa semenn nou prezidan in espelik klerman neselite pran vaksen pou siport stratezi gouvèrnman pour en lavennir meyer pour tou Seselwa. I neseler alor pour nou tou siport programm prezidan e ankouraz nou bann pros pour pran zot vaksen osito posib.

### LENFORMASYON LO VAKSEN COVID-19

# SINOPHARM

**KWA SA VAKSEN COVID-19 SINOPHARM**

- I en kalite vaksen avek selil ki'n ganny fer inaktif pour protez dimoun kont lenfeksyon SARS Cov 2 sa viris ki koz maladi COVID - 19).
- I ganny administre an 2 doz, par enzeksyon lo lebra (normalman misk lebra anler) avek 2 a 4 semenn lekar.

**LEKEL KI KAPAB PRAN SA VAKSEN?**

- Adilt aze ant 18 a 60 an, enkli dimoun avek maladi kronik ki anba kontrol.

**ESKI DIMOUN KI ANNAN COVID - 19 OUSWA KI'N DEZA ANNAN SA MALADI I KAPAB PRAN SA VAKSEN?**

- Dimoun ki annan en dyagnostik avek sentonm lenfeksyon COVID-19 pa devret pran sa vaksen, e esper ler in rekipere.
- Dimoun ki annan en dyagnostik, ki an izolasyon e pe ganny tretman pour COVID-19 i kapab pran sa vaksen 2 semenn apre ki in rekipere.

Minister Lasarne

## Larzan pa gate

**Plizyer lorganizasyon e endividi in kontribye dan sa fon**

**P**rezidan Ramkalawan ti lekel in demann Seouver en kont

Labank Santral dan lekel in demann Seselwa e tou endividi

e lorganizasyon de bonn volonte pour kontribye dan en fon pour ede anmas larzan pou siport bann program dan sa konba kont pandemi Kovid-19. Bokou lorganizasyon e endividi zenere in kontribye e ozordi sa fon in depas 78 milyon rounpi. Sikse sa linisyativ Prezidan Ramkalawan pa'n fer bann dirizan lopoziyon (kontinyasyon lo paz 2)

## Ki pou arive avek bann byen malaki ?

**S**wivan rapor Oditer Zeneral lo lakizisyon 46 morso later par Parti Lelep/US, bok- (kontinyasyon lo paz 2)

# Prezidan pe rod sa ki bon pour Sesel

Malgre pandemi Kovid-19 pe fer ravaz atraver lem-  
onn, Prezidan Ramkalawan i toultan an mouvman. Depi zour in pran lofis, Prezidan in fer trwa vizit aletranze. A sak fwa ki in vwayaze, in retourn avek bon nouvel pour tou Seselwa. Avek plizyer lakor bilateral sinnyen dan son bann vwayaz Moris e Lemira Arab Ini, se Sesel ki benefisy e ki swa dan anmenn vaksen pour son pep ou bann lagreman pour konbat sa fleo drog, bann vwayaz pa'n an ven. Prezidan in kontinyen son demars pour rod sipor bid-

zeter e lezot led avek bann pei vwazen pou amelyor lavi tou zanfan Sesel enkli demars pou trouv en solisyon pour sa difikilte finansyel ki nou lalinny aeryen nasyonal i trouv li ladan.

Malgre bokou kritik sorti kot lopoziyon, Prezidan Ramkalawan i determinen pour kontinyen son demars dan lentere tou Seselwa. Sa enn vwayaz ki i pe fer Qatar akonpanyen par en delegasyon enportan, i kler ki Prezidan pe al fer en demars serye pou amelyor sistiasyon ekonomik pei ki'n soufer bokou avek sa pandemi.



Prezidan i rann en vizit Lanbasad Sesel Lemira Arab Ini dan enn son vizit

Prezidan Ramkalawan pa en dimoun ki pou reste asize dan son sez 'State House' e esper en mirak arrive. I en zonn ki'n toultan an mouvman pour akonplir

son plan. Ozordi zour son lobzektif prensipal se relans nou lekonomi e garanti lasante tou Seselwa malgre bokou defi. I bezwen sipor e konprenezon nou tou dan sa demars.

## Larzan pa gate

kontan ditou. Zot pe servi sa fon pou fer tou sort kalite politik bonmarse avek. Napa lipou zot pa pe rode. Dan zot bann kominike, zot pe donn plizyer lenstans kot zot oule larzan i ganny retire dan sa fon pou fer plizyer keksoz avek; par egzanp pour aste vaksen menm si gouvnerman in ganny ase vaksen pour tou son sitwayen. Dokter Herminie, lider US pe menm

demande ki sa larzan i donn fanmir pou fer depans lanterman. Zot lentansyon i malisy e. Zot oule gouvnerman pa reisir dan son demars.

Finalman prezidan in fer kler ki sa fon i la pour garanti okenn evantyalite medikal enprevi alavenir. Sa en stratezi viab konpare avek sa latitud depans larzan san okenn rezon valab par ansyen gouvnerman.

US in menm annan lodas anvoy enn zot zournalis propoz avek Dokter Gedeon mannyer sa larzan i devret ganny depense. Dokter Gedeon in toultan annan en larepons pour bann fouter dezord. Son larepons ti senp: «Larzan i la. Larzan pa gate». Sa bann US i vremen annan en problemm avek larzan. Zot in tro abitye depans larzan ki pa pour zot an bonavini.

## Ki pou arrive....

ou Seselwa pe demande ki gouvnerman pe fer pour anmenn lazistis dan sa zafer akouz sa rapor i fer kler ki bokou keksoz pa aziste. Zot annan parfetman rezon demann sa bann kestyon.

Sa rapor ti ganny fer swivan demann FPAC (Komite Finans Piblik) 6-enm Lasanble Nasyonal. FPAC 7-enm Lasanble Nasyonal i annan en lobligasyon pour kontinyen sa travay e depouy rapor Odirer Zeneral e finalman prodwir son rekomandasyon avek Lasanble Nasyonal. Se Lider Lopoziyon, Onorab Sebastien Pillay ki tyermenn FPAC. Seselwa pe espere avek pasyans pour li avek son komite komans sa travay osito ki posib dan en fason transparan.

Rapor Odirer Zeneral i en dokiman piblik e sertennman Komisyon Anti Koripsyon pour bezwen annan en gran lentere ladan. An ka zot annan soupsyon ki okenn magouy in pase, zot annan tou lotorite pour fer en lanket e pran aksyon legal si i neser.

I annan plizyer lenstitisyon dan pei ki annan responsabilite spesifik an se ki konsern koripsyon e frod. Sa rapor Odirer Zeneral pa'n fer an ven. Pour annan swivi lo la.

## Nanryen pa bon pour Herminie

Dokter Herminie i kontan koze e parler i parl tro bokou. I la zis pou dir tou sa ki gouvnerman i fer i mal. I sitan negativ ki i may son prop lekor zambek. Swivan detrwa ka Kovid -19 kot lopital Ans Nor De, Dokter in taye pour demann gouvnerman pour fer sir ki tou pasyan aze kot lopital i ganny vaksinen. Koman en profesyonnel medikal, sa gro garson i konnen sa pa posib. I konnen ki serten endividi avek serten kondisyon medikal pa kapab pran okenn vaksen. I osi konnen ki gouvnerman in fer le neser pour donn vaksen tou pasyan kot sa lopital me malerezman pa zot tou ki ti kapab

pran vaksen parey gouvnerman ti a swete.

### Dokter Herminie i osi annan en memwar tre kourt.

Sete son parti ki ti tre vokal pour dir ki person pa devret ganny forse pran vaksen akouz sa i en vyolasyon zot drwa konstitisyonnel. Par kont, li in taye e pran pour li. Sa i demontre son lipokrizi e son lentansyon fer politik bonmarse avek lasante sa pep. Koman en lider politik, Dokter Herminie i devret mazin de fwa avaller i ouver son labous e pran son responsabilite koman en profesyonnel medikal.